

sesiapa yang mengikutinya. Hadis-hadis juga mempunyai kaedah-kaedah yang sempit, fanatik, ortodoks, ekstrim, radikal, hipokrit dan negatif.

Pengikut-pengikut Musa, Isa dan Muhammad telah tertipu dengan urusan agama mereka kerana mengikut sangkaan dan angan-angan kosong ahli kitab. Sesungguhnya yang memecah-belahkan agama itu terdiri daripada pengikut-pengikut Rasul, mereka mengucapkan sesuatu yang mereka ketahui. Contohnya seperti imam Syafie, Maliki, Hambali dan Hanafi.

Mereka tidak sependapat di antara satu sama lain. Contohnya, sewaktu menunaikan fardu haji ke Mekah Mazhab Syafie tidak bersesuaian di tempat tersebut. Mazhab ini lebih cenderung dan paling sesuai di negara kita sekarang ini."

(Muka Surat 35) "Beberapa contoh hadis iaitu berhala yang disembah oleh kebanyakan manusia hari ini di antaranya hadis qudsi, hadis sahih, hadis mauduq, hadis dhaif, kias dan ijmak ulamak. Sementara contoh

ulama yang menjadi ikutan hingga hari ini oleh kebanyakan manusia ialah ulamak mufasirin, ulamak kafirin dan ulamak musyrikin. Dalam keadaan begitu lahirlah berbagai-bagai tarikat; di antaranya ijmak ulamak, ahli sunnah wal-jamaah, kadariah, jabariah, muktazilah, saman, ahmadiyah, muhamaddiah, nas syahbandi, syiah, tabligh, al-arqam, sunni dan taslim. Sementara kitab-kitab mereka terdiri daripada tauhid, fekah, tasawuf, tajul muluk, darul nafis, ya ulumuddin, kitab hikam dan berbagai-bagai lagi Dan imam mereka pula ialah Shafie, Hanafi, Maliki, Hambali, Khomenni, Mahdi, Bonjol dan Gulam Ahmad Qadian. "

(Muka Surat 52) "Istilah Solat ialah mengembalikan diri kepada Allah iaitu tunduk patuh terhadap kebenaran dan petunjuk-nya serta perintah dan peraturan serta hukum-hukumNya untuk mengingati-Nya."

(Muka Surat 52) "Istilah Zakat iaitu melakukan apa-apa sahaja perkara yang baik pada diri sendiri dan terhadap orang lain kerana mencari keredaan Allah."

KEPUTUSAN FATWA

Pada menjalankan kuasa yang diberikan oleh Seksyen 41(2) Enakmen Pentadbiran Agama Islam 1952 (Selangor No.3/52) Jawatankuasa Perundangan Majlis Agama Islam Selangor bagi pihak MAIS menfatwakan bahawasanya Hj. Kahar b. Haji Ahmad Jalal No. KP 3297747 yang beralamat di No. 44 Kg. Kemensah, Hulu Klang telah membawa ajaran ilmu salah kerana telah menyeleweng daripada akidah dan hukum syariat Islamiah yang sebenar dan telah membuat penghinaan kepada ulama yang muktabar.

Jawatankuasa Perunding Hukum Syara' juga bersetuju mengharamkan buku yang dikarang oleh beliau yang bertajuk **AL-FURQAAN-PEMBEDA** daripada dicetak, diedar, dijual, dibaca, disimpan dan digunakan oleh orang ramai.



AJARAN HAJI KAHAR BIN AHMAD

Diterbitkan oleh
JABATAN MUFTI NEGERI SELANGOR
Tingkat 7 & 8, Menara Utara
Bangunan Sultan Idris Shah
40000 Shah Alam.
Tel: 03-5514 3700 / 03-5514 3715 / 03-5514 3715
<http://muftiselangor.gov.my>

LATAR BELAKANG

Haji Kahar bin Ahmad Jalal berasal dari Hulu Klang, Selangor. Tahap pendidikan beliau sehingga darjah lima Sekolah Melayu. Beliau menyampaikan ajarannya di rumahnya No.44, Kampong Kemensah, Hulu Klang, Selangor. Setiap hari Jumaat pengikutnya akan berkumpul di rumahnya untuk membincangkan hal ehwal Al-Quran dan agama sebagai menggantikan solat Jumaat.

CIRI-CIRI KESALAHAN

1 Mendakwa dirinya sebagai Rasul orang Melayu atau Utusan Allah.

Beliau mendakwa dirinya sebagai Rasul kepada orang Melayu dan mendakwa Rasul sentiasa ada di bumi untuk menyampaikan ilmu Allah.

2 Mendakwa menerima wahyu daripada Allah.

Beliau mendakwa telah menerima wahyu daripada Allah di Bukit Kemensah, Hulu Klang. Wahyu

diturunkan dalam keadaan sepertimana dialami oleh Rasulullah.

3 Mendakwa solat lima waktu tidak wajib.

Beliau mendakwa solat fardhu tidak wajib dan memadai dengan membuat kebaikan dan mencegah kemungkaran.

4 Mendakwa Al-Quran hanya sebagai catatan.

Beliau mendakwa Al-Quran yang ada sekarang ini adalah catatan semata-mata, manakala al-Quran yang sebenarnya berada di Luh Al-Mahfuz.

5 Tidak mempercayai hadis.

Beliau mengaku tidak mempercayai hadis. Seterusnya mendakwa hadis yang ada sekarang adalah rekaan manusia semata-mata selepas wafat Rasulullah.

6 Mendakwa tidak perlu mengerjakan ibadah haji di Mekah.

Beliau mendakwa tidak perlu mengerjakan ibadah haji di Mekah. Ibadah haji boleh dilakukan dimana-mana sahaja di bumi Allah. Pergi ke Mekah dan Arab Saudi hanya untuk

melihat kesan-kesan sejarah Rasulullah S.A.W.

7 Mendakwa mempunyai mukjizat.

Beliau mendakwa mempunyai mukjizat semasa beliau berada di Bukit Kemensah. Dalam peristiwa hari hujan, dia tidak basah dan ketika panas dia tidak merasai kepanasan.

8 Mengarang buku yang bercanggah dengan Islam.

Beliau mengarang buku "**AL-FURQAAN-PEMBEDA**" yang kandungannya bercanggah dengan ajaran Islam, antara kandungan buku tersebut :

(Muka surat 31) Apakah Itu Hadis ?

" Hadis adalah kisah seseorang yang diceritakan oleh orang lain kepada seseorang, kemudian keterangan tersebut dicatatkan oleh orang lain. Umpamanya, kisah tentang kehidupan Nabi Muhammad s.a.w iaitu cerita di atas cerita.

Keterangan tersebut bukannya wahyu daripada Allah yang datang dari sisi Allah.Ia adalah dari perkataan

manusia biasa. Yang membuat keterangan tersebut iaitu perawi-perawi tentang diri Nabi Muhammad s.a.w. Perawi-perawi itu bukanlah terdiri daripada Nabi-Nabi atau Rasul-Rasul yang dilantik oleh Allah.

Hadis bukanlah pengetahuan daripada Allah. Ia adalah mengikut pandangan atau pendengaran seseorang atau satu-satu kebenaran yang datangnya daripada sangkaan akal manusia. Ia bukanlah firman Allah

Hadis-hadis tersebut adalah yang sebenarnya datang daripada sangkaan satu angan-angan kosong ahli-ahli kitab yang terdahulu. Ia bukanlah benar-benar kebenaran yang diyakini seperti Al-Quran atau kitab-kitab Allah. Hadis-hadis kebanyakannya membuat keterangan palsu terhadap Nabi Muhammad s.a.w."

(Muka surat 33) " Begitu juga jika ditinjau dari semua sudut, hadis tersebut menimbulkan suatu kesempatan atau kesusahan bagi